

Ruo pedped ko an Jabdewōt Menin jeramṃan

Būreejtōn Dieter F. Uchtdorf

Rikakpilōklōk eo Kein Karuo ilo Būreejtōnji eo Kein Kajuōn

Enañin aolep iien ej waḷok ilo iien melijjoñ ko ilo iien ko reppen im jej ekkatak men ko reppentata im rej ḷome mṃwil ko mṃwilid im kōkṃanṃanḷok kōtōpar ko ad.

Ilo ito itak ko aṃ in loḷok ko am ñan ro uwaan Kabuñ in ipeḷakin laḷ in im ilo am ejake iaḷen kōnono ko an priesthood eo, kōmij bōk meḷeḷe ko mōkta tata kōn jōkjōk in kapañpañ ko an ro uwaad. Iumṃwin elōñ iiō ko ro uwaad emōj aer jorrāān jān jorrāān ko ilo laḷ in, jimor ilo men ko kar kōṃanṃani im ko kōṃṃan in armej. Kōmij barāinwōt meḷeḷe bwe baamḷe ko emōj aer kadikḷok aer joḷok im rej nūrbōktak kōn niknik ilo iien kapañpañ kein.

Ro jeiū im jatū, kōmij lukkuun eñjake am epake kōm. Kōmij iakwe komṃ, im kōmij jar iien otemjej kōn komṃ. Emōj aō lo elōñ iien ko remṃan im iien ko renana ilo aolepen mour e aō ñan jeḷā bwe iien ko reppen renaaj leḷok māneṃ im kōjatdikdik kōn iien ko remṃanḷok. Ij kōjatdikdik kōn ilju eo. Ro jeiū im jatū, ñan ijo kuṃaad, jej aikuj in pād wōt ilo dim ilo kōjatdikdik, jermal wōt kōn aolepen ad maroñ, im lōke ilo Anij.

Jeman ḷok ikar ḷōmṃak kōn juōn iien eo ilo mour e aō make ke eddo in inepata ko im nūrbōkta ioon juōn ilju eo jejjab jeḷā kake āinwōt ñe ekar kiiō. Iaar 11 iiō detta im iaar jokwe ippān baamḷe eo aō ilo po eo an juōn imōṃ najdik menin mour iturin Frankfurt, Germany. Kōm ar bar ejjeḷok jikūm kein karuo ilo iumṃwin jet iiō ko, im kar lokjak in ejake kōm make ilo juōn jikin ekāāl ettoḷok jān mṃweo imōm mōkta. Imaroñ ba bwe kōm kar jeramōl, ak emaroñ kar kōtōpar eo ekar lukkuun ḷap. Kōm ar aolep kiki ilo juōn ruumṃ eo im ekar lukkuun dik joñan ekar ejjeḷok jikin ñan etetal iturin men ko kineem. Ilo ruumṃ eo juōn ekar wōr jet mōttan am mṃwiek ko im juōn kein kōmat eo aolep iien jinō ej kōmat mōñā ie. Ñan etal jān juōn ruumṃ ñan bar juōn, kōm ej aikuj in kijone juōn ruumṃ in kakoṃkoṃ ijo rikallib eo ej likūt kein jermal ko an, ippen jālele ko im jojej ko im rej toto jān alal in po ko. Bwin eo aolep iien ej kōṃṃan aō kwōle. Ekar ejjeḷok am imōṃ kappojak, ak ekar wōr aṃ imōn kappojak ko rej pād inamōj—wallaḷḷok ilo jikin iuwe eo im ej 50 nee (15mita) ettoḷok jekdoon ñe āinwōt ettoḷok ilo iien ko remōḷo.

Kōnke ikar juōn eo ej kab emṃakūt tok im kōnke wāween aō kōnono āinwōt riturear in German, ajri ro jet enañin aolep iien rej kōṃṃan kōjak kōn ña kūr eō kōn et ko im rej lukkuun kōmetak. Ilo aolepen iien iaar jodikdik, Ij tōmak emaroñ kar men eo ekar ḷaptata an kabwerer.

Kiiō, jet tōre tokālik, imaroñ erreḷi likḷok ñan raan ko kōn jeḷā eo ej itok jān men ko iaar kōṃṃani. Jekdoon ñe Ij kememej wōt metak ko im jab mōṃōṃ ko, imaroñ lo kiiō bwe ikar jab maroñ in loi tōre ko: iien in ekar juōn iien eddōkḷok eo eaar ḷap. Ilo iien in, baamḷe eo am ekar pen ippān doon. Ikar lale im ekkatak jān jinō im jema. Ij kamoolol kōn kijenmej im kōjatdikdik ko aer. Jān er iaar ekkatak bwe men ko reppen, eḷaññe jelmae kōn tōmak, peran, im kate, maroñ in ellā jān e.

Jeḷā bwe jet iami rej loi iien ko ami make im remṃan kab reppen, Ikōṃaan kōnono rainin kōn ruo pedped me raar rejtak eō ilo iien eddōkḷok an mour e aō.

Pedped eo kein kajuōn: Jerbal

Ñan rainin, Ij lukkuun bwilōn kōn wāween an baamle eo aō kar jermal ālkin an kar jako aolep men ko m̄wiem raar itok ālkin Pata eo Kein II! Ij kememej jema—juōn rijerbal eo kōn jeļāļokjeņ im iminene—ekar bōk jet jermal ko reppen ko rekar rikappok uranium, kōm̄m̄an wa, im kattōr wa ko reļļap. Eaar etal wōt in jibboņ tata im enaņin aolep iien ej roļtok in boņ ñan an maroņ kabwe aikuj ko an baamle eo am. Jinō ekar jino kwaļkoļ im jermal elōņ awa ko kōm̄m̄an jermal ko ekar jab jeļā kōm̄m̄ani. Ekar kobaik ña kab leddik eo jeiū ilo jermal eo an. Kōn baajkōļ eo waō ikar erom̄ ribbōk im ribokļok. Juōn eņjaake eo em̄m̄an ñan jipaņ baamle eo ilo wāween eo edik im, jekdoon ñe ikar jab jeļā ilo tōre eo, jermal eo ñan ānbwinnū ekar oktak im jeram̄m̄an ñan ājmour eo aō barāinwōt.

Ekar jab pidodo, ak jermal eo ekar kōm̄m̄an bwe kōm en jab ļōm̄nak kōn apaņ ko reppen am. Jekdoon ñe jōkjōk eo am eaar jab oktak ilo iien eo em̄ōkaj, eaar oktak. Eņin ej men eo kōn jermal. Eļañne jenaaj kōm̄m̄an bwe en—pen im dim—im aolep men ilo m̄ool naaj em̄m̄anļok.

Eļap aō nōbar em̄maan ro, kōrā ro, im ajri ro rejelā wāween jermal! Eļap an Irooj iakwe rijerbal ro! Ekar ba, “Kōn menokadu in mejōm̄ kwōnaaj mōñā ekkan,”¹ im “Rijerbal ej tōllōkōn oņeān.”² E eaar barāinwōt letok juōn kalim̄m̄ur: Jōkjōk kōn jikōļ eo am̄ kōn aolepen am̄, im jerawiwi ko am̄ rej jako.”³ Ro rejjab kor ñan jermal im pedped wōt ioon ļoor kōtōpar ko an laļ in rej kōjeram̄m̄an ñan baamle ko aer, jukjuk in pād eo, laļ eo, im Kabuņ eo.

Irooj ejjab kōtmene bwe jān jermal elapļok jān ad maroņ. Ejjab (ak kōj jej aikuj) keidi jermal ko ad make ñan ko an ro jet. Jemedwōj Ilaņ ej kajjitōk wōt bwe jān kōm̄m̄ane joņan eo em̄mantaa jemaroņe—bwe jej jermal ekkar ñan joņan eo jemaroņe, jekdoon ñe eļap ak edik me emaroņ.

Jermal ej kemour mijak, rikōmakoko eo an būrom̄ōj, im juōn kōjām ñan men ko maroņ kōm̄m̄ani. Jabdewōt men eo ilo mour, ro jeiū im jatū rejitenbōro, jān kōm̄m̄ane men eo jemaroņe im kwaļok men ko rej em̄m̄an ilo aolep men ko jemaroņ kōm̄m̄ani. Jān niknik im m̄okaj ñan jabdewōt men! Jān likūt kōļmenļokijeņ ko ad im ānbwinnid ñan iien ko raiboojoj ñan jermal kajjojo raan ko rekāal rej waļok.

Ñe waikōn ko waad rej pen ilo pedkat eo, Anij eļapļok an jipaņ armej eo ej iuun jān armej eo ej kotak ainikien ilo jar—jekdoon ewi joņan ukoktak in kōnono eo. Būreejtōn Thomas S. Monson ekar likūt ilo wāween in. “Ejjab bwe ñan kōņaan kōm̄m̄ane tōprak eo im ñan ba jenaaj kōm̄m̄ane. ... Ej pād ilo *jerbale*, ejjab *ļōm̄nak* kake, bwe jej kōtōprak kōtōpar ko ad. Eļañne jenaaj em̄akūjkūj ad jab lolorjake kōtōpar ko ad, jeban lo aer kūr̄m̄ool.”⁴

Jermal emaroņ in juōn men eo em̄m̄an im ļap an tōprak, ak kememej naan in kakkōļ eo an Irooj ñan jab “kōjerbal...tōprak ko am̄ kōn men eo ejeļok tokjen.”⁵ Eļañne jenaaj lukkuun kōmaat ad maroņ ñan pukōt m̄weie ko an laļ im buņbuņ ko an mejen armej ñan nebar joņan jāan eo an baamle ko ad im eddōkļok eo an mour in jetōb, jenaaj lo ejjab etto bwe jaar kōm̄m̄ane men eo ejjab em̄m̄an. Jermal ko rem̄m̄an jej kōm̄m̄ani itulowan m̄oko im̄ōd ilo lukkuun kwojarjar; tōprak ko an rej ñan indeeo ilo lukkuun piktokin. Ejjab maroņ in ajeļok ñan bar juōn. Ej pedped in jermal

eo ad āinwōt ro rej kabwījer priesthood eo.

Kememej, kōmij jab bajjōk ri itoitak ro ilo laḷin. Jān jab kōmaat kapeel ko ad letok jān Anij im kajoor ko ad nān kalōk nōbar ko im buḅbuḅ ko an laḷ ak ijellokin, jān joḷok raan ko ad im eddōkḷok ilo jetōb. Bwe, āinwōt eo nejin Anij e utiejtata, jaar kōmānḡan nān jerkak nān juōn ijjiino ekāāl.

Kiiō, juōn naan nān kōmḷeḷeik ro jeid im jatid ewōr jeḷā ko ippāer: jab maroḅ jermal ejjab ḡōttan karōk in mōḅḅō eo an Irooj. Ejjeḷok kakkije ak jab maroḅ jermal jān eddo ko an priesthood eo—jekdoon jete iiō ak kajoor in ānbwin. Ilo an naan eo “emōj aō kōḡḡane” emaroḅ jermal āinwōt juōn kein jālitak nān kajej tokjen kein jikāāt eo, joḷok karwainene eo nān iuwe ilo juōn otbai, , ak pād ipeḷaain mōḅā ko kōḡḡan jān kare ilo imōḅ mōḅā ko, ejjab juōn jālitak eo emḡan nān kajej tokjen bujen ko ilo eddo nān joḷok iien ko ad, kipeel ko ad, im menin jeramḡan ko ad ilo jermal eo an aelōn in kiiḅ eo an Anij.

Emaroḅ wōr ro, ālkin elōn iiō in jermal ilo Kabuḅ in, rej tōmak ke rej kiiō wōr aer iien nān kakkije ilo an ro jet kōḡḡane jermal eo. Nān likūt ilo kōḡḡan kōjak, ro jeiū im jatū, jidik in ḷōmḡak rōt in ejjab emḡan nān juōn rijilōk an Kraist. ḡōttan eo eḷap an jermal eo ad ioon laḷ in ej nān niknik nān jemḷokkin ilo laḅlōn—aolep raan in ad mour.

Kiiō, juōn naan barāinwōt nān ro jatid ilo Priesthood eo an Melkasidek ro rej jipadōk kōttōpar ko aer remḡan nān bōk jeḷāḷokijen im pukōt juōn rejtaer nān indeeo. Men kein rej kōttōpar ko rejimḡwe, ro jeiū im jatū, ak kememej: niknik ilo jermal ilo jikin kallib eo an Irooj enaaj lukkuun kaddōkḷok iien ko amḡ im kōḷapḷok maroḅ eo amḡ im alikkar ko nān kōḡḡan tōprak jimōr ippān ḡakūtkūt ko an laḷ in.

Jekdoon nē kwe tikōn eo ediktata ak pris eo erūtto tata, ewōr jermal nān kōḡḡne!

Pedped eo Kein Karuo: Katak

Ilo iien eo eaar pen nān menin jeramḡan ko ilo pata eo ilo Germany, jeramḡan ko nān jeḷāḷokijen rekar jab eḷap āinwōt rainin. Ak jekdoon apaḅ kein, ikar aolep iien ikrelel in ekkatak. Ij kememej juōn raan, ke ikar ilok kōn baajkōḷ eo waō im litolitak nuknuk ko, ikar deḷōḅ ḡweo imōn juōn eo ḡōtta ilo jikuul. Ilo juōn iaan ruumḡ ko, ruo tebōḷ jiddik rekar pād pāpin ḡweo. Ej juōn men eo emḡan ilo kalimjōke! Eḷap an kar jeramḡan ajri ro nān wōr aer make tebōḷ! Imaroḅ kar ḷōmḡake er ilo aer jijōt kōn bok ko aer repeḷḷok ilo aer ekkatak katak ko aer im kōḡḡane katak ko aer nān jikuul ilo ḡōko. Ekar alikkar nān nā bwe en wōr juōn aō make tebōḷ enaaj men eo emḡan tata ilo laḷ in.

Ikar aikuj in kōttar ilo juōn iien eo eaitok ḡokta jān an kar kōḅaan in bōk jikin. Elōn iiō ko tokālik, ekar wōr juōn aō jermal ilo juōn research institute eo im ekar wōr an jikin kakkōḅ bok eo eḷap. Ij kememej aō joḷok enaḅin aolepen iien ko aō make ilo jikin kakkōḅḅ bok in. Ijin imaroḅ lukkuun jijōt ilo juōn tebōḷ—ippa make—kane kōḷmenḷokijen e aō kōn meḷeḷe ko im jeḷā ko bok eo ej letok. Ewi joḅan aō iakwe riit im ekkatak! Ilo raan ko ikar meḷeḷe ḡoktata naan ko an juōn jabōn kennan. Jeḷāḷokjen ejjab lukkuun āinwōt kane juōn bōkaj āinwōt tile juōn kijeek.

Ñ ro uwaan Kabuñ in, jeļāļokjeņ ejjab juōn meļeļe eo emņman—ej juōn kakien. Jej aikuj in ekkatak “Jej aikuj in ekkatak kōn men ko ilo lañ, im ilo laļ in, im iumwin laļ in, im men ko im emōj aer waļok, im men ko rej waļok, im men ko me rej aikuj in waļok; kōn men ko rej waļok imōko, ko im rej waļok ijoko rōttoļok.”⁶

Joseph Smith ekar emņman ippān ekkatak jekdoon ñe ekar wōr jidik wōt an iien ñan lukkuun katak. Ilo loqok bok ko an, eaar mōñōñō ilo an kōnono kōn raan eaar juloki im ekar emakijkij an kwaļok iakwe eo an kōn ekkatak.⁷

Joseph ekar katakin armej ro rekwojarjar ro bwe jeļāļokjeņ eaar juōn mōttan eo eaorōk ilo iaļ eo ad ilo mour in, ñan “juōn armej ej loqoqoren ejjab mōkajļok jān an[bōk] jeļāļokjeņ,”⁸ im bwe jabdewōt pedped in jeļāļokjeņ jej bōke . . . ilo mour in, enaaj jerkak ippād ilo jerkakpeje eo.”⁹ Ilo iien ko reppen, eļapļok an aorōk ñan ekkatak. Rikanaan eo Joseph eaar katakin, “Jeļāļokjeņ ej kakkure marok, [inepata], im jab pere; bwe men kein rejjab maroñ waļok ijo jeļāļokjeņ ej pād ie.”¹⁰

Ro jeiū im jatū, ewōr aņ eddo ñan ekkatak joñan wōt aņ maroñ. Jouj im kaketak baamle eo aņ, ro ilo doulul eo aņ, aolep bwe ren ekkatak im emņmanļok ilo jeļāļokjeņ. Eļañne jeļāļokjeņ ilo poļōmen ejjab maroñ tōprak, jab kōmņman bwe en kabōjrak eok jān bōk aolep jeļā ko kwōmaroñi. Iumwin wāween kein, bok eo emņmantata, ilo mool, emaroñ erom “university” eo aņ—juōn kūlaajruum eo im aolep iien ej peļlok im bōk jabdewōt eo ej etal ñan e. Kajjeoñ in kōļapļok jeļāļokjeņ eo aņ kōn aolep men ko rej “rejimwe, rekamōnōnō, remon ilo ba kaki, ak men ko remōn ak kamōñōñō”¹¹ Pukōt jeļāļokjeņ kōn ekkatak im bareinwōt kōn tōmak.”¹² Pukōt kōn juōn jitbōn ettā im juōn bōro eo erup.¹³ Ilo aņ mour kake joñak kein an jetōb kōn tōmak ñan katak ko aņ—im bar ñan men ko an mour in—kwj maroñ kōkajoorļok joñan jeļā eo aņ, bwe eļañne mejam rej reilok kōn juōn wōt mej ñan aibojoj eo an, aolepen enbwinnid enaaj obrak kōn meram im [jeļā] aolep men.¹⁴

Ilo ekkatak ko ad, jej jab aikuj in jerwane pedped in mandenļok eo. Jeje ko rekwojarajr im naan ko an rijilok ro rainin im rikanaan ro rej pedped in meletlet, jeļā ko rarōk, im mandenļok ñan kajjojo ñan jipañ kōj lo uwaak ñan aolep apañ ko ilo mour in. Jān ekkatak kōn Kriast; jān pukōt jeļāļokjeņ eo ej tōļlok ñan aenōmņman, mool, im jeļā kōn men ko an mour indeeo.¹⁵

Kōjjeļok

Ro jeiū im jatū, Ij loņņake ļok ļaddik eo 11 iiō dettan ilo Frankfurt, Germany, eo eaar inepata kōn tok ālki eo an im kar eņjake kōn kōkalle ko kōn metak ko ejjeļok jeļokier. Ij kememej iien in kōn jidik būromōj. Ilo aō jab kōņaan bar ememej raan ko kōn mālizzoñ im jorrān, ewōr jidik aō pere bwe katak ko iaar katak raar juōn menin kōpopo emenin aikuj ñan iien ko remņman tokālik. Kiiō, elōñ iiō tok ālik, ijeļā menin ej mool: menin emakijkij ilo mālizzoñ an kapañpañ me jej maroñ ekkatak menin katak ko raorōk tata me rej ejake mwiiliid im loņme mejān kajjik eo ad.

Ij jar bwe ilowaan allōñ kein im iiō kein rej itok jān kanne iien ko ad kōn jermal ko rejimwe. Ij jar bwe jenaaj pukot ñan ekkatak im kōkmanņman kōlmenļokijeņ ko im bōro ko ad jān ad idaak jān tu

mūlaļ jān wunin dān ko rerreo an mool eo. Ij likūt iakwe eo aō im kōjeramņan ko ilo etan Jisōs Kraist, amen.

KAKEMEMEJ KO

1. Jenesis 3:19.
2. D&C 84:79.
3. D&C 31:5.
4. Thomas S. Monson, "A Royal Priesthood," *Liahona* Nobōmba. 2007, 59.
5. 2 Nipai 9:51.
6. Lale D&C 88:79–80.
7. See *Journals, Volume 1:1832--1839*, vol. 1 of the Journals series of *The Joseph Smith Papers*, ed. Dean C. Jessee, Ronald K. Esplin, and Richard Lyman Bushman (2008), 84, 135, 164.
8. Joseph Smith, in *History of the Church*, 4:588.
9. Lale D&C 130:18–19.
10. Joseph Smith, in *History of the Church*, 5:340.
11. Laajrak in Tōmak ko 1:13.
12. D&C 109:7.
13. Lale D&C 136:33.
14. D&C 88:67.
15. Llae D&C 42:61.